

# AD FORMOSAM VIRGINEM MARIAM

RATISPONAE IN AREA IVDÆORVM EXPVLSORVM GRATIOSE RESIDENTEM ET GRANDIBVS MIRACVLIS CORVSCANTEM VRBANI REGII PEAN.



Regina poli potens

O patrona reis semper amabilis

Alta fede beatior

O numen stabili conspicuū loco

In quo trinus et vnus est

Cœli lumina tu sub pedibus tenes

Te sol auricomus suis

Conuestit radijs huius item soror

Pandens aurea cornua

Ad nutum famulatur tibi sub pede

Subduntur tibi sydera

Cœtu spirituum celsior arduo

Mortales miseros vides

Luctari varijs casibus obrutos

Quo portum valeant suū

Fausto tangere tandem pede lætius

Siquis perditus est homo

Mox das prona animū, promptaq; dissipas

Tu phantasmata noxia

Qui mente egrior est, corpore seu magis

Fundit vota preces tibi

Aras protinus hic suppliciter tuas

Adrepens tua munera

Asportat facili quę tribuis manu

Maiestas tua nos quidem

Terret, sed pietas notior allicit

Iunxit te lateri suo

Iudex quo fragili sepe fores reo

Sic patrona benignior

In quam spes trepidans machina iam suas

Omneis fixit vt anchoram

Quod summi genitrix Regis es inclyta

Nos te firmiter omnia

Speramus valida posse potentia

At te q; mater es vnica

Clementis populo pectoris exuli

Nil non velleq; supplicū

Te causa bene confidimus & docet

Nos certa experientia

Te matrem vocitāt crebrius orphanū

Tutricem pariter suam

Pupilli recreatrix caneris fauens

Afflictis, Medica es quoq;

Aegrīs, portus ades, vitaq; naufragis

Et patrona reis pia

Pressis exoneratrix, neq; perditis

Vnq; incerta salus malis

Expes teq; suam spem vocat vnica

Acummosus homo pie

Ex tantoq; malorum numero facit

Tot virgo tibi nomina

Immensi sed harenam numerat maris

Qui perstringere discipit

Quę nostro generi largiter exhibes

Salue, gratia quam Dei

Ingens irradiat cuncti potens tibi

Presto est, Tu benedictaq;

Mire in femineo splendidior choro

Tum ventrisq; tui sacri

Fructus sit bñdictus, benedictaq;

Sit diuina Anna tibi parens

Cultoresq; tui Numinis aspice

